

ओ लीलण म्हारी,  
जइजे जइजे गढ़ खरनाले शहर,  
कोई गढ़ खरनाले शहर,  
भाभल ने निभण देवजे,  
ओ तेजाजी कैया जावा,  
खाली म्हारी पीठ,  
कोई सुनी म्हारी पीठ,  
मावड़ली देसी ओलबा  
मावड़ली देसी ओलबा ॥

ओ लीलण म्हारीं,  
कइजे कइजे साचोड़ा समचार,  
तू तो साचोड़ा समचार,  
नजरा सु देखी केवजो,  
नजरा सु देखी केवजो,  
ओ तेजाजी एड़ा काई,  
लिख्या विधाता लेख,  
म्हारा लिख्या विधाता लेख,  
तेजल सु छेती मैं तो पड़ा,  
तेजल सु छेती मैं तो पड़ा ॥

ओ लीलण म्हारीं,  
राखो राखो मनडा माही धीर,  
कोई हिवड़ा माही धीर,  
स्वर्गा में मिलसी जिवडा,

स्वर्गा में मिलसी जिवडा,  
ओ तेजाजी था बिन म्हारे,  
जीवन को नही सार,  
म्हारे जीवन को नही सार,  
लीलण भी संग में चालसी,  
लीलण भी संग में चालसी ॥

ओ प्यारी लीलण,  
मैं थारो चंदो तू म्हारी है चकोर,  
म्हारे कालजिया री कोर,  
मानु मैं थाने जीव री जड़ी,  
मानु मैं थाने जीव री जड़ी,  
ओ लीलण म्हारीं,  
मत ना तू तो आसुडा ढलकाय,  
मत आसुडा ढलकाय,  
तेजल रो काँपे जीवड़ो,  
तेजल रो काँपे जीवड़ो ॥

ओ तेजाजी कइयाँ रोक्कूँ,  
नैणा माइलो नीर,  
म्हारो नैणा माइलो नीर,  
म्हारो भर भर आवे हिवड़ो,  
म्हारो भर भर आवे हिवड़ो ॥

ओ लीलण म्हारी,  
जइजे जइजे गढ़ खरनाले शहर,  
कोई गढ़ खरनाले शहर,  
भाभल ने निभण देवजे,

ओ तेजाजी कैया जावा,  
खाली म्हारी पीठ,  
कोई सुनी म्हारी पीठ,  
मावइली देसी ओलबा  
मावइली देसी ओलबा ॥

स्वर छोटूसिंह जी रावणा ।  
प्रेषक गोपाल सुथार जसोल ।  
9712406766

Source: <https://www.bharattemples.com/lilan-pyari-in-hindi/>



# Bharat Temples

Complete Bhajans Collections - Download Free Android App  
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>